



**Toshkent shahar statistika boshqarmasida korrupsiyaga qarshi kurashish
mavzusida bo'lib o'tgan yig'ilish**

BAYONI № 9

2023- yil 14-sentabr

Toshkent sh.

- Yig'ilish raisi:** - L.Mirsoatov – Boshqarma boshlig‘ining birinchi o‘rinbosari
- Qatnashganlar:** - Sh.Norkulov – Boshqarma boshlig‘ining birinchi o‘rinbosari
- S.Annazarov – Boshqarma boshlig‘i o‘rinbosari
- M.Usmonov-boshqarma yurist konsulti
Boshqarma tarmoq bo‘limlari va tuman statistika bo‘limlari xodimlari

KUN TARTIBI:

1.O‘zbekiston Respublikasi Korrupsiyaga qarshi kurashish agentligi direktorining 2023-yil 11-martdagи “Davlat fuqarolik xizmatchisi tomonidan xizmat safarlari, xalqaro va boshqa rasmiy tadbirlar munosabati bilan olinishi mumkin bo‘lgan sovg‘a qiymati, shuningdek uni tasarruf etish tartibi to‘g‘risidagi nizomni tasdiqlash haqida”gi 54-son buyrug‘i bo‘yicha.

2.O‘zbekiston Respublikasining 2022-yil 8-avgustdagи O‘RQ-788-son “Davlat fuqarolik xizmati to‘g‘risidagi”gi qonuni mohiyati bo‘yicha.

(L.Mirsoatov Sh.Norkulov, S.Annazarov, Sh.Shaagzamova, M.Usmonov, B.Shakarov
L.Mirsoatov)

Yig'ilishda Toshkent shahar statistika boshqarmasining boshlig‘i L.Mirsoatov so‘zga chiqib, O‘zbekiston Respublikasi Korrupsiyaga qarshi kurashish agentligi direktorining 2023-yil 11-martdagи “Davlat fuqarolik xizmatchisi tomonidan xizmat safarlari, xalqaro va boshqa rasmiy tadbirlar munosabati bilan olinishi mumkin bo‘lgan sovg‘a qiymati, shuningdek uni tasarruf etish tartibi to‘g‘risidagi nizomni tasdiqlash haqida”gi 54-son buyrug‘i yuzasidan va O‘zbekiston Respublikasining 2022-yil 8-avgustdagи O‘RQ-788-son “Davlat fuqarolik xizmati to‘g‘risidagi”gi Qonuni mazmun-mohiyatini boshqarma tarmoq bo‘limlari va tuman statistika bo‘limlari xodimlariga qisqacha tushunchalar berib o‘tdi.

Yig‘ilishda so‘zga chiqgan L.Mirsoatovning ta’kidlashicha: “Davlat fuqarolik xizmatchisi tomonidan xizmat safarlari, xalqaro va boshqa rasmiy tadbirlar munosabati bilan olinishi mumkin bo‘lgan sovg‘a qiymati, shuningdek uni tasarruf etish tartibi to‘g‘risidagi nizom Adliya vazirligida ro‘yxatdan o‘tkazilgan bo‘lib, nizomga ko‘ra davlat fuqarolik xizmatchisi O‘zbekistondan tashqaridagi xizmat safarlari, xalqaro va boshqa rasmiy tadbirlar, O‘zbekistonda o‘tkaziladigan xalqaro va boshqa rasmiy tadbirlarda sovg‘a olishi mumkin. O‘zbekistondagi boshqa xizmat safarlarida sovg‘a olish mumkin emas.

Boshqarmaning tarmoq va tuman statistika bo‘limlari rahbarlari, xodimlari qonun hujjatlariga rioya etishi, o‘z mansab yoki xizmat majburiyatlarini beg‘arazlik bilan, xolisona, vijdonan, odob-axloq qoidalariga rioya etgan holda bajarishi hamda korrupsiyaga oid biror-bir huquqbazarlikni sodir etishdan yoki bunday huquqbazarliklarni sodir etish uchun shart-sharoitlar yaratadigan boshqa har qanday harakatlardan o‘zini tiyishi shartligi yuzasidan ogohlantirildi.

Davlat fuqarolik xizmatchisi oladigan sovg‘a quyidagi talablarga javob berishi kerak:

- milliy qonunchilikda taqiqlanmagan ashyolar bo‘lishi;
- sovg‘a xalqaro va boshqa rasmiy tadbirda ixtiyoriy berilgan bo‘lishi;
- sovg‘a ochiq va oshkora qabul qilinishi;
- davlat organining obro‘siga putur yetkazmasligi;
- manfaatlar to‘qnashuvi yoki korrupsiyaviy omilni keltirib chiqarmasligi.

Davlat fuqarolik xizmatchisi tomonidan xalqaro va boshqa rasmiy tadbirlar munosabati bilan olinishi mumkin bo‘lgan sovg‘a quyidagi talablarga javob berishi lozim:

Unda “Davlat fuqarolik xizmati to‘g‘risidagi”gi qonunning maqsadi Davlat fuqarolik xizmati sohasidagi munosabatlarni tartibga solishdan iborat ekanligi hamda Davlat fuqarolik xizmati lavozimlarining davlat reestriga kiritilgan lavozimlardagi davlat fuqarolik xizmatchilarining faoliyatiga nisbatan tatbiq etilishi haqida so‘zlandi.

Shuningdek, yig‘ilishda so‘zga chiqqan Sh.Norkulovning ta’kidlashicha: ushbu Qonun bilan O‘zbekiston Respublikasi Prezidentining davlat fuqarolik xizmati sohasidagi vakolatlari, O‘zbekiston Respublikasi Vazirlar Mahkamasining davlat fuqarolik xizmati sohasidagi vakolatlari, Maxsus vakolatlari davlat organining davlat fuqarolik xizmati sohasidagi vakolatlari (O‘zbekiston Respublikasi Prezidenti huzuridagi Davlat xizmatini rivojlantirish agentligi davlat fuqarolik xizmati sohasidagi maxsus vakolatlari organizidir, Davlat organlarining davlat fuqarolik xizmati sohasidagi vakolatlari aniq belgilab berilganligi ahamiyatlidir.

Avvalambor Davlat fuqarolik xizmatchisi kim?

Albatta, bu kabi savollar yig‘ilishda ishtirok etgan har bir xodimda tug‘ildi va quyidagicha javoblar olindi:

- Davlat fuqarolik xizmati lavozimida o‘z faoliyatini amalga oshirayotgan O‘zbekiston Respublikasi fuqarosi davlat fuqarolik xizmatchisi ekanligi;
- O‘zbekiston Respublikasi fuqarosi davlat fuqarolik xizmati lavozimiga tayinlangan paytdan e’tiboran davlat fuqarolik xizmatchisining huquqiy maqomiga ega

bo‘ladi va davlat fuqarolik xizmatchisining faoliyati tugatilishi munosabati bilan yo‘qotilishi;

- Davlat fuqarolik xizmati lavozimlarining siyosiy guruhiba taalluqli davlat fuqarolik xizmatchilarining huquqiy maqomi bilan bog‘liq bo‘lgan qo‘shimcha huquqlar, majburiyatlar va cheklovlar alohida qonunchilik bilan belgilanganligi;

- mazkur Qonun bilan Davlat fuqarolik xizmatchisining huquqlari, Davlat fuqarolik xizmatchisining majburiyatları, Davlat fuqarolik xizmatini o‘tash bilan bog‘liq cheklovlar, Davlat fuqarolik xizmatchisining javobgarligi, Davlat fuqarolik xizmati sohasida korrupsiyaga qarshi kurashish, Davlat fuqarolik xizmatchisining korrupsiyaga nisbatan murosasiz munosabati, Davlat fuqarolik xizmatchilarining odob-axloq qoidalari, Davlat fuqarolik xizmatida sovg‘alarga nisbatan munosabatda bo‘lish shartlari, Manfaatlar to‘qnashuvi, Davlat fuqarolik xizmatchisi tomonidan daromadlari va mol-mulkini deklaratsiyalash shartlari aniq belgilab berilganligi;

Shu bilan birga, Davlat fuqarolik xizmatchisini rag‘batlantirish, Davlat fuqarolik xizmatchisiga nisbatan rag‘batlantirish choralarining qo‘llanilishi, Davlat fuqarolik xizmatchisining intizomiy javobgarligi, Davlat pensiya ta‘minoti kabi masalalarga ham alohida e’tibor berilganligi haqida ma’lum qilindi.

Shuningdek, Davlat fuqarolik xizmati sohasida korrupsiyaning oldini olishga doir chora-tadbirlar quyidagilardan iborat:

davlat fuqarolik xizmatchilarini tomonidan korrupsiyaga oid huquqbazarliklarga yo‘l qo‘yilmasligi;

Davlat fuqarolik xizmatchilarining odob-axloq qoidalariiga rioya etilishini ta‘minlash;

davlat fuqarolik xizmatchisining manfaatlar to‘qnashuvini oldini olish va hal qilishning tashkiliy-huquqiy asoslarini yaratish, ularga rioya etilishi ustidan monitoring va nazorat o‘tkazilishini ta‘minlash;

davlat fuqarolik xizmatchisining daromadlari va mol-mulkini deklaratsiyalash tizimini joriy etish;

davlat fuqarolik xizmatchisi tomonidan sovg‘alar olish va berish tartibini belgilash;

davlat fuqarolik xizmatchisining ijtimoiy jihatdan himoya qilinishini, moddiy ta‘minot olishini va rag‘batlantirilishini ta‘minlash.

Qonunchilikda davlat fuqarolik xizmati sohasida korrupsiyaning oldini olishga doir boshqa chora-tadbirlar ham nazarda tutilishi mumkin.

Boshqarmaning tarmoq va tuman statistika bo‘limlari rahbarlari, xodimlari qonun hujjaligiga rioya etishi, o‘z mansab yoki xizmat majburiyatlarini beg‘arazlik bilan, xolisona, vijdonan, odob-axloq qoidalariiga rioya etgan holda bajarishi hamda korrupsiyaga oid biror-bir huquqbazarlikni sodir etishdan yoki bunday huquqbazarliklarni sodir etish uchun shart-sharoitlar yaratadigan boshqa har qanday harakatlardan o‘zini tiyishi shartligi yuzasidan ogohlantirildi.

Shu bilan birga, boshqarma hamda tuman statistika bo‘limlari xodimlarining odob-axloq qoidalariiga amal qilishlari to‘g‘risida to‘xtalib o‘tildi.

Kun tartibidagi masalalar va ular to‘g‘risidagi fikr-mulohazalardan kelib chiqib yig‘ilish

Q A R O R Q I L A D I:

1. O‘zbekiston Respublikasi Korrupsiyaga qarshi kurashish agentligi direktorining 2023-yil 11-martdagи “Davlat fuqarolik xizmatchisi tomonidan xizmat safarlar, xalqaro va boshqa rasmiy tadbirlar munosabati bilan olinishi mumkin bo‘lgan sovg‘a qiymati, shuningdek uni tasarruf etish tartibi to‘g‘risidagi nizomni tasdiqlash haqida”gi 54-sон buyrug‘i va O‘zbekiston Respublikasining 2022-yil 8-avgustdagи O‘RQ-788-son “Davlat fuqarolik xizmati to‘g‘risidagi”gi Qonuni rahbarlik va ma’lumot uchun qabul qilinsin.

2. Boshqarmaning tarmoq va tuman statistika bo‘limlari boshliqlariga:

O‘zbekiston Respublikasining 2022-yil 8-avgustdagи O‘RQ-788-son “Davlat fuqarolik xizmati to‘g‘risidagi”gi Qonuni bandlarida berilgan barcha topshiriqlar so‘zsiz bajarilishi ta‘minlansin hamda, Toshkent shahar statistika boshqarmasi va tuman statistika bo‘limlarida 2023-yilda korrupsiyaga qarshi kurashish bo‘yicha idoraviy kompleks chora-tadbirlar rejasi bandlarida berilgan barcha topshiriqlar so‘zsiz bajarilishi ta‘minlansin amalga oshirilgan ishlar bo‘yicha ma’lumotlar kiritilsin;

- boshqarma va tuman statistika bo‘limlarida O‘zbekiston Respublikasi Prezidenti huzuridagi Statistika agentligi tomonidan ishlab chiqilgan “Odob-axloq qoidalari”ga amal qilgan holda o‘z xizmat vazifalarini vijdonan va samarali bajarishlari yuzasidan mas’uliyatlarini yanada oshirsinlar.

- korrupsiyaga qarshi kurashish va korrupsiya holatlarining oldini olish yuzasidan qabul qilingan qonun hujjatlari hamda O‘zbekiston Respublikasi Prezidenti huzuridagi Statistika agentligi tomonidan bu borada belgilangan vazifalar va chora-tadbirlar ijrosini to‘liq ta‘minlash yuzasidan barcha zarur choralarни ko‘rgan holda, mansab vakolatlarini suiste’mol qilib, korrupsiya holatlariga yo‘l qo‘yan rahbar va xodimlarga nisbatan qat’iy jazo choralarini ko‘riliши to‘g‘risida ogohlantirilsin;

-jismoniy va yuridik shaxslarning murojaatlari hamda axborotdan foydalanuvchilarning so‘rovlarini qonunchilik hujjatlarida belgilangan talablar asosida ko‘rib chiqilishini, murojaatlarning tahlil etilishi va bu borada faoliyat natijalarini muhokama etib borilishini ta‘minlab, ushbu masalalarga mas’ul rahbar va xodimlar faoliyati yuzasidan nazoratni yanada kuchaytirsinlar;

- tadbirkorlik sub’ektlariga ularning huquqlari, statistika sohasiga oid qonunchilik va me’yoriy-huquqiy hujjatlar talablarini tushuntirish bo‘yicha ommaviy axborot vositalardan keng foydalangan holda muntazam maqolalar chop etib borish, televideniye va radio vositalari hamda rasmiy saytlar orqali chiqishlar tashkil etish, bunda ayniqsa elektron shaklda hisobotlarni taqdim etish tizimining afzallikkleri va qulayliklari to‘g‘risida keng ko‘lamda yoritib borilishi ta‘minlansin;

- boshqarma va tuman statistika bo‘limlarida tadbirkorlik sub’ektlari bilan targ‘ibot-tashviqot ishlarini keng qamrovdva va tizimli asosda tashkil etilishini ta‘minlab, bunda asosiy e’tiborni tadbirkorlik sub’ektlari uchun yaratilgan qulayliklar, ularning huquqlari va majburiyatlar, hisobot taqdim etish tartiblari va muddatlari to‘g‘risida tushuntirish ishlarini olib borilishiga, huquqbarliklarning barvaqt oldi olinishiga va ularning profilaktikasi samaradorligini oshirishga qaratsinlar hamda bu borada

sustkashlikka yo'l qo'ygan rahbarlar va xodimlarga nisbatan qat'iy intizomiy jazo choralarini ko'riliishi yuzasidan ogohlantirilsin;

- boshqarmaning rasmiy veb-saytining uzluksiz faoliyatini ta'minlash va takomillashtirib borish hamda ulardag'i ma'lumotlarni muntazam yangilab va to'ldirib borilishini ta'minlash, shuningdek Davlat statistika organlari faoliyatini ochiqligini yoritib beruvchi ma'lumotlarni keng jamoatchilikka yetkazish, shu bilan birga Statistika agentligi va boshqarma tomonidan berilgan topshiriqlarning tizim organlarida ijro etilishi holatini muntazam ravishda o'rganilsin;

3. Boshqarmaning bosh yuriskonsulti (M.Usmonov)ga:

Har chorak yakuni bo'yicha boshqarma va tuman statistika bo'limlari tomonidan xo'jalik yurituvchi sub'ektlarga nisbatan qo'llanilgan ma'muriy jarimalarni O'zbekiston Respublikasi MJtK talablari asosida to'g'ri qo'llanilganligi yuzasidan o'z tavsiyalari berib borilsin.

4. Ushbu seminar qarorlari ijrosini nazorat qilishni o'z zimmamda qoldiraman.

Yig'ilish kotibi

A.Mamatov